



27. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

**1. Namminersorlutik oqartussani tamatumani naalackersuisoqarfinni, aqutsisoqarfinni aammalu suliffeqarfiit namminersorlutik oqartussanit pigineqartuni sulisunut inissiaatit attartortinneqartartut namminersortuniit qassit pigineqarpat? Ilaatigut atuarsimavara Peqqinnissaqarfik namminersortunit inissianik sulisuminut attartortorteqqitassaminnik attartortartoq.**

Tassani pineqarput Naalackersuisoqarfiit, aqutsisoqarfinni aammalu suliffeqarfiit namminersorlutik oqartussanit pigineqartuut attartortitsisartullu namminersortut akornganni inissianik attartornissamut isumaqatigiissutaasimasut, aammalu attartuisitsisartut namminersortut INI A/S imaluunniit Illuut A/S-llu akornganni inuinnarnut, imaluunniit sulisunut inissianik attartuinissamut isumaqatigiissutigisimasaat. Akissummi inissiat qassiunersut illoqarfikkaarlugit immikkoortinneqassapput.

**2. Namminersorlutik oqartussat ataaniittullu Naalackersuisoqarfiit, aqutsisoqarfinni aammalu suliffeqarfiit namminersorlutik oqartussanit pigineqartut ukiumi ingerlareersumi aammalu ukiumi 2017, 2018 aammalu 2019-mi inissianut namminersortunik aqunneqartunut qanoq aningaasartuuteqarsimappat? Akissummi aningaasartuutit qanoq annertutiginersut illoqarfikkaarlugit immikkoortinneqassapput.**

**3. Inissianik naloginnaasunik attartuisut aammalu sulisunut inissiaatinik attartuisut qulaani isumaqatigiissutaasimasut malillugit akimik piviusumik akiliisarpat?**

- a. Akissut naamiuppat, Namminersorlutik oqartussat ataaniittullu Naalackersuisoqarfiit, aqutsisoqarfinni aammalu suliffeqarfiit namminersorlutik oqartussanit pigineqartut namminersorlutik inissianik attartortitsisartunit inissiaminnut akigititaat, inissianut naloginnaasunut imaluunniit sulisunut inissiaatinut aningaasartuutaasuni assigiingissutaasumut qanoq annertutigisumik matusisarnersut qaammarsaqquneqarpoq? Akissutit aamma illoqarfikkaarlugit immikkoortinneqassapput, taamaalinikkut assersuussisoqarsinnaanngortillugu.

**4. Naalackersuisut tusagassiuutitut nalunaarutaanni februaarip 11-iani 2020 oqaatigineqarpoq Nuummi inissiat inoqanngitsut 100-juusut massakkullu nutaanik inuttaqalernissamut piareersarneqaleruttortut. Nalunaarutigeqquneqarpoq inissiat taakkua ataasiakkaat qanoq sivistigisumik inuttaqarsimanningersut aammalu piffissaq piviusoq tunngavingalugu qaqugu atorneqarsinnaalissanersut.**

(Inatsisartunut ilaasortaq Justus Hansen, Demokraatit)



### **Tungavilersuut**

Soorlu siornatigut paragraf 37-ikkut apeqqutigisimasama nr. 363-2019 aamma takutikkaa, inissiaatitigut unammilligassavut assut soqutigisaraakka. Naliginnaasumik inissiaataatinik aammalu allakkut sulisunut inissiaataatinik pisariaqartitsinerput nunatut pingaartinnissaa soqutigisaraara. Inissiaativut naammappat aammalu pisariaqartitsinerput malillugu matusinnanngisatsinniippugut? Taammaammallu unammilligassarput qanoq annertutiginersoq paasisaqarfingerusoqara, taamaammallu apeqqutit 1-imit 4-imut apeqqutigisimavakka.

Kissaatigaara apeqqutima ullut sulliviit naliginnaasut qulit iluanni akineqarnissaat.